

**Xabier Pérez Igrexas, en calidade de concelleiro do Bloque Nacionalista Galego (BNG) no Concello de Vigo,**

Após examinar o **PROXECTO DE ORDENANZA MUNICIPAL REGULADORA DO USO E DESFRUTE DOS AREAIS DO TERMO MUNICIPAL DE VIGO**, Expdte. 1467/306, aprobado pola Xunta de Goberno Local o 30 de xullo de 2020, de acordo co previsto no Regulamento Orgánico do Pleno do Concello de Vigo e da restante normativa de aplicación e dentro do prazo fixado, formula as seguintes

**EMENDAS PARCIAIS AO ARTICULADO:**

**EMENDA 01**

---

Artigo 7

**No apartado 3.n engadir:** “Así mesmo, facilitarase a través de medios de acceso público información detallada, con actualización quincenal, da calidade das augas de baño durante a tempada estival.”

**EMENDA 02**

---

Artigo 7

**Engadir un apartado 3. r)** “Horario da limpeza dos areas.”

**EMENDA 03**

---

Artigo 7

**Engadir un apartado 3. s)** “Horario da prohibición de pesca desde/nas zonas de baño e areas e as súas zonas prudenciais limítrofes.”

**EMENDA 04**

---

Artigo 7

**No apartado 4 engadir:** “Nos soportes de sinalización (e medios de difusión como megafonía) darase debido cumprimento ao previsto na Ordenanza Municipal de Normalización Lingüística do Concello de Vigo, garantindo en calquera caso a súa difusión en lingua galega”.

## EMENDA 05

---

### Artigo 8

**Engadir o seguinte texto dentro do artigo 8.3** (destácase en negra): “As instalacións que se autorice nos areais serán **de carácter temporal e fácil desmontaxe**, de libre acceso público, (...)”

## EMENDA 06

---

### Artigo 10

**Engadir o seguinte texto dentro do artigo 10.2** (destácase en negra): “A limpeza realizarase do xeito que sexa máis adecuado ás características de cada unha das praias **e procurando o menor impacto ambiental sobre os areais**, coa frecuencia e horario previstos para a adecuada xestión do servizo (...)”

## EMENDA 07

---

### Artigo 11

**Engadir** ao remate do artigo:

“Neste sentido o Concello de Vigo garantizará, nomeadamente na tempada de baño, os contedores e papeleiras necesarios ao obxecto de favorecer a eliminación de calquera tipo de residuo nos areais e zonas de baño e facilitará a súa recollida selectiva”.

## EMENDA 08

---

### Artigo 13

**Engadir** ao remate do apartado 1:

“En todo caso, a autorización de espazos accesíbeis para cans habilitará as medidas e medios necesarios para garantir que o seu espaxamento se desenvolva nas condicións axeitadas de limpeza, hixiene e seguridade, velando pola correcta convivencia entre persoas e animais así como a protección dos ámbitos de maior sensibilidade ambiental, singularmente, os sistemas dunares.

A delimitación dos areais nos que se permita o acceso de cans, así como as condicións nos que se poida realizar, serán fixadas a proposta da Xunta do Goberno Local por acordo do Pleno da Corporación previo ditame na Comisión Informativa correspondente. Habilitaranse mecanismos de participación cidadá para procurar que as decisións a este respecto contén co máximo consenso social e veciñal.”

## EMENDA 09

---

### Artigo 30

**Engadir o seguinte texto dentro do artigo 30.2.q** (destácase en negra): “A pesca con cana ou outros instrumentos destinados á pesca **nas zonas de baño e/ou dende os areas e as súas zonas prudenciais limítrofes** fora do horario permitido.”

## EMENDA 10

---

### Engadir unha disposición adicional:

**Primeira.-** O Concello de Vigo programará con carácter anual campañas informativas e de sensibilización, singularmente no ámbito escolar e procurando a participación de colectivos sociais, para poñer en coñecemento, divulgar e sensibilizar do valor ambiental dos areas da cidade”

## EMENDA 11

---

### Engadir unha disposición adicional:

**Segunda.-** Na promoción turística da cidade, o Concello de Vigo acompañará en toda alusión aos areas da cidade mencións á súa importancia en termos ambientais e con mensaxes orientadas a alargar a conciencia social sobre a súa protección

## EMENDA 12

---

### Engadir unha disposición transitoria:

**Primeira.-** No prazo de 3 meses desde a entrada en vigor da presente ordenanza, o Concello de Vigo constituirá un grupo de traballo, dependente da Comisión Informativa de Medio Ambiente, e no que se habilitará a participación de colectivos veciñais, sociais e de defensa ambiental, así como de persoas expertas, para iniciar a elaboración dunha ponencia-estudo, con propostas de actuación, sobre as medidas necesarias para a mellora da protección ambiental dos areas e a súa recuperación naqueles ámbitos que fosen ostensíbeis de aumentar a súa superficie. As conclusións serán remitidas ao Pleno para o seu debate e aprobación, se proceder.

## EMENDA 13

---

### Engadir unha disposición transitoria:

**Segunda.-** A Xunta de Goberno Local revisará, no prazo de 1 mes desde a entrada en vigor desta ordenanza, coa participación de colectivos veciñais afectados, ambientais e de defensa dos animais os acordos adoptados e en vigor a respecto da autorización de acceso de cans nos areas da Calzoa e Foz do Lagares.

De aplicación a todo o articulado

Someter a totalidade do texto a unha revisión lingüística, para corrixir grallas e erros gramaticais e ortográficos de acordo coa normativa da lingua galega, e evitar a utilización de linguaxe sexista.

Vigo, Galiza, a 10 de agosto de 2020.

Asdo.

**SR. ALCALDE-PRESIDENTE  
CONCELLO DE VIGO**